

(მთარგმნელი: ტაველიძე ირმა)

კუგელმასი, სითი-კოლეჯში ლიტერატურის პროფესორი, მეორედაც უიღბლოდ დაქორწინდა. დაფნა კუგელმასი მეტად თავქარიანი აღმოჩნდა. პირველ ცოლთან, ფლოსთან, მას ორი მოსულელი ვაჟიშვილი ჰყავდა და ყელამდე იყო ჩაფლული ალიმენტებსა თუ შთამომავლობაზე მრუნვის გაწამაწიაში.

- ნუთუ უნდა მცოდნოდა, რომ ყველაფერი ასე ცუდად შემომიბრუნდებოდა? შეჰკნავლა ერთხელ კუგელმასმა თავის ფსიქოანალიტიკოსს.

- დაფნა ხომ დამპირდა! ვინ წარმოიდგენდა, რომ თავს აიშვებდა და პლაჟის ბურთივით გაიბერებოდა. ჰო, კიდეც, ცოცხალი ფულიც ჰქონდა, რაც, თავისთავად, დაქორწინების წინაპირობას არ წარმოადგენს, მაგრამ არც არაფერს ავლებს ჩემსავით ანგარიშგასაწევ კაცს. ხვლებით, რას ვამბობ?

კუგელმასი მელოგი და დათვივით ბანჯგვლიანი იყო, მაგრამ სული ნამდვილად ჰქონდა.

- ახალი ქალი მჭირდება, რომანი მჭირდება. შეიძლება, ერთი შეხედვით არ ჩანს, მაგრამ ისეთი კაცი ვარ, რომლისთვისაც რომანტიკა აუცილებელია. ნაზი გრძნობები მჭირდება, ფლირტი მჭირდება. თანდათან ხომ არ ვახალგაზრდავდები, ჰოდა, სანამ გვიან არ არის, მინდა, სექსით დავტკბე ვენეციაში, გონებასახვილურად ვიხუმრო კაზინო "21"-ში, მორცხვი მშერა გაავაპარო სანთლის შუქზე, ხელში წითელი ღვინით.

გესმით, რას ვამბობ?

ლოქტორ მანდელმა სკამზე გვერდი იცვალა და უთხრა:

- რომანი არაფერს შეცვლის. თქვენ რეალობას ხართ მოწყვეტილი. თქვენი პრობლემები გაცილებით ღრმაა.

- რასაკვირველია, საკმაოდ თავშეკავებული ვიქნები, - განაგრძო კუგელმასმა. - მეორე განქორწინებას ვერ გადავიგან. დაფნა სულს ამომხდის.

- მისგერ კუგელმას...

- სითი-კოლეჯიდან არ უნდა იყოს, იმიტომ რომ დაფნაც იქ მუშაობს. არა, ფაკულტეტზე ისეთიც არავენ არის, თუმცა სტუდენტ გოგონებს შორის...

- მისტერ კუგელმას...

- დამეხმარეთ. წუხელ სიმმარი დამესიზმრა. მღელღოზე ვხვდები, ხელში პიკნიკის კალათით და კალათზე ეწერა: "ვარიანტები". მერე კი დავინახე, რომ კალათში ნახვრეტი იყო.

- მისტერ კუგელმას, ყველაზე უარესი, რისი გაკეთებაც შეგიძლიათ, მოქმედების დაწყებაა. უბრალოდ, თქვენი გრძნობები უნდა გამოხატოთ და ჩვენ ერთად შევეცდებით მათ გაანალიზებას. საკმაოდ დიდი ხანია, მკურნალობთ, ისიც იცით, რომ ერთ ღამეში ჯერ არავენ გამოჯანმრთელებულა.

და ბოლოს, ფსიქოანალიტიკოსი ვარ, ჯადოქარი ხომ არა!

- ჰო, ალბათ ჯადოქარი მჭირდება, - თქვა კუგელმასმა და წამოდგა. მისი ფსიქოთერაპიაც აქ დამთავრდა.

ორი კვირის შემდეგ, როდესაც კუგელმასი და ფლორა ძველი ავეჯივით იღუშებოდნენ საკუთარ ბინაში, გელეფონმა დარეკა.

- მე ავიღებ, - თქვა კუგელმასმა. - ალო.

- კუგელმასი? - იკითხა ხმამ. - კუგელმას, პერსკი ვარ.

- ვინ?

- პერსკი. ისე წარმოგიდგეთ, როგორც დიდი პერსკი?

- უკაცრავად?

- გავიგე, მთელ ქალაქში ჯადოქარს ეძებთ, თქვენს ცხოვრებაში ცოცხალენი ეგზოტიკა რომ შემოიგნოს.

ჰო თუ არა?

- ჩემში, - კუგელმასმა დაიჩურჩულა. - არ დაკიდოთ. საიდან რეკავთ, პერსკი?

მომღევენო შუაღლით მან სამ ნაბიჯად აირბინა ბრუკლინის ღარიბული კვარტლის სანახევროდ მინგრეული სახლის კიბე. ბნელ ჰოლში მიმოიხედა, ის კარი იპოვა, რომელსაც ეძებდა და ზარი დარეკა. “აი, ამას კი ვინანებ,” –გაიფლო გულში.

ორ წამში მას დაბალი, გამხდარი კაცი მიესალმა, რომელიც თითქოს ცვილისგან იყო ჩამოსხმული.

- თქვენ ხართ პერსკი დიდი? - ჰკითხა კუგელმასმა.

- დიდი პერსკი. ჩაი გნებავთ?

- არა, რომანტიკა მინდა.

მუსიკა მინდა. სიყვარული და სილამაზე მინდა.

- ჩაი არ გნებავთ? საოცარია. კარგი, დაბრძანდით.

პერსკი მეორე ოთახში გავიდა და კუგელმასმა ყუთებისა თუ ავეჯის გადაადგილების ხმა გაიგონა. დაბრუნებისას ჭრაჭუნაბორბლებიან დიდ ნივთს მოაგორებდა. მან ძველი აბრეშუმის რამდენიმე ცხვირსახოცი აიღო, ყუთის თავზე რომ ეწყო და მგვერს სული შეუბერა.

ეს ცუდად გალაქული, იაფფასიანი ჩინური კარადა აღმოჩნდა.

- პერსკი, - თქვა კუგელმასმა. - ითვალთმაქცებთ, არა?

- ყურადღებით იყავით, - თქვა პერსკიმ. - მშვენიერი გრიუკია. გასულ წელს პითიას რაინდების თავყრილობისთვის დავამუშავე, მაგრამ ბილეთები არ გაიყიდა. შეძვერით კარადაში.

- რაგომ? დაშნებს გაუყრით და რამე?

- აქ დაშნებს ხედავთ?

კუგელმასი დაიმანჭა და ბუბლუნით შეძვრა კარადაში.

ცხვირწინ უხემ ფანერზე მიწებებული ორიოდე უშნო მთის ბროლი შეამჩნია. “ეს რომ მასხრობა იყოს...”, ჩაიბურგყუნა მან.

- გარკვეულწილად, ასეცაა. ახლა, ყურადღებით მისმინეთ. თუ კარადაში თქვენთან ერთად რომელიმე რომანს მოვათავსებ, კარს დავკეტავ და სამჯერ დავაკაკუნებ, წამსვე იმ წიგნში აღმოჩნდებით.

კუგელმასის სახემ სკეპტიკური გამომეგყველება მიიღო.

- წმინდა წყლის სიმართლეა, - თქვა პერსკიმ. - ხელი გამიხმეს, ასე თუ არ იყოს.

თუმცა რომანი აუცილებელი არ არის. მოთხრობა, პიესა, ლექსი... შეგიძლიათ, მსოფლიოს საუკეთესო მწერლების მიერ შექმნილი ქალებიდან ნებისმიერს შეხვდეთ. ვისმაც კი გიოცნებიათ. ნებისმიერი ჩანაფიქრის განხორციელებას მოახერხებთ საუკეთესოთა შორის საუკეთესოებთან, ხოლო როცა მოგებზრდებათ, შემომბახეთ და ნახევარ წამში უკან დაგაბრუნებთ.

- მითხარით, პერსკი, ამბულაგორიული მკურნალობის კურსს გადიხართ?

- გეუბნებით, ეს მაღალი კლასის მომსახურებაა.

კუგელმასი მაინც სკეპტიკურად იყო განწყობილი.

- რას ამბობთ, განა შესაძლებელია, ამ უვარგის, თვითნაკეთ ყუთში ისე ვიმოგზაურო, როგორც თქვენ აღწერთ?

- ოც დოლარად კი.

კუგელმასმა საფულე ამოიღო.

- მაშინ დავიჯერებ, როცა ჩემი თვალით ვნახავ, - თქვა მან.

პერსკიმ შარვლის ჯიბეში ჩაიღო ფული და წიგნის თაროებისკენ შებრუნდა.

- კარგი, ვისთან გსურთ შეხვედრა? და კერი? ჰესგერ პრინი? ოფელია? იქნებ ვინმე სოლ ბელოუს რომანებიდან? გემპლ დრეიკზე რას იგყვით? თუმცა თქვენი ასაკის კაცისთვის ეს თავის აგკიებას ნიშნავს.

- ფრანგი. მინდა, ფრანგი საყვარელი მყავდეს.

- ნანა?

- არა, არ მინდა, რომ ფულს ვუხდიდე.

- ნაგაშა “ომი და მშვიდობიდან”?

- ფრანგი-მეთეი, ვთქვი. ვიცი! ემა ბოვარიზე რას იგყვით? სწორედ ის არის, ვინც მინდა.

- კუგელმას, იგი თქვენია. დამიყვირეთ, როცა აღარ გენდომებათ.

პერსკიმ ფლობერის რომანის თხელყდიანი გამოცემა შეაგლო კარადაში.

- დარწმუნებული ხართ, რომ უსაფრთხოა? - იკითხა კუგელმასმა, როდესაც პერსკი კარის დაკეგვას შეუღდა.

- უსაფრთხო... განა არის რამე უსაფრთხო ამ შემლილ სამყაროში?

მან სამჯერ დააკაკუნა კარადაზე და შემდეგ კარი გამოაღო.

კუგელმასი გამქრალიყო. სწორედ ამ დროს ის იონვილში, შარლისა და ემას საძინებელში აღმოჩნდა.

მისგან ზურგშექცევით მღგარი მშვენიერი ქალი საწოლს მარგოდმარგო ალაგებდა.

“ვერ დავიჯერებ,” ფიქრობდა კუგელმასი, თან ღოქტორის მომხიბლავ ცოლს აშტერდებოდა.

- “ზებუნებრივია. აქ ვარ. ეს ის არის”.

ემა გაოგნებული შემობრუნდა.

- ღმერთო ჩემო, როგორ შემაშინეთ, - თქვა მან.

- ვინ ხართ? - ის დახვეწილი ინგლისური თარგმანის სიგყვებით ლაპარაკობდა, როგორც იმ თხელყდიან წიგნში.

“ჭკუიდან გადავალ”, გაიფიქრა კუგელმასმა. მერე კი, როცა გააცნობიერა, რომ ემამ მას მიმართა, თვითონაც წარმოთქვა:

- უკაცრავად.

სიღნეი კუგელმასი ვარ სითი კოლეჯიდან. ლიგერაგურის პროფესორი გახლავართ. ნიუ იორკის სითი-კოლეჯი იცით? ქალაქის ზემო მხარეს მღებარეობს. მე - უჰ, ჯანდაბა!

ემა ბოვარიმ გამომწვევად გაულიმა და უთხრა:

- ხომ არ დაღევღით? იქნებ ერთი ჭიქა ღვინო?

“რა მშვენიერი ქალია”, გაიფიქრა კუგელმასმა. ისეთი კონგრასტი იყო იმ გროგლოდიტან, რომელიც მის სარეცელს იყოფდა! უცებ დაუძლეველი სურვილი იგრძნო, მკლავებში მოექცია ეს მოჩვენება და ეთქვა, რომ მთელი ცხოვრება ასეთ ქალზე ოცნებობდა.

- ღიახ, ღვინო, - ამოიხავლა მან. - თეთრი.

არა, წითელი. არა, არა, თეთრი. თუ შეიძლება, თეთრი.

- შარლი მთელი დღე შინ არ იქნება, - თქვა ემამ კეკლუცად და მრავალმნიშვნელოვნად.

ღვინის დაღვევის შემდეგ ისინი მშვენიერი ფრანგული სოფლის შემოგარენში სასეირნოდ გაემართნენ.

- მუდამ ვოცნებობდი, რომ ერთ დღეს გამოჩნდებოდა იღუმალი უცნობი და მიხსნიდა უხეში პროვინციული ცხოვრების მონოტონურობისგან, - ამბობდა ემა, თან ხელს ხელზე უჭერდა. მათ პაგარა ეკლესიას გვერდით ჩაუარეს.

- მომწონს, რაც გაცვია, - დაიჩურჩულა ემამ, - აქ მსგავსიც არაფერი მინახავს.

ეს ისეთი... თანამედროვეა.

- ამას სპორტულები ჰქვია, - უპასუხა მან რომანტიკულად. - ჩამოფასებულში გადავაწყდი.

ქალს მოულოდნელად აკოცა. მომღევენო საათი მათ ხის ჩრდილში გააგარეს, ჩურჩულებდნენ და ერთმანეთს მრავალმნიშვნელოვანი გამოხედვით ესაუბრებოდნენ. შემდეგ კუგელმასი წამოჯდა.

გაახსენდა, რომ დაუნას უნდა შეხვედროდა “ბლუმინდეილთან”.

- უნდა წავიდე, - უთხრა მას. - მაგრამ არ იღარდო, დავბრუნდები.

- იმედი მაქვს, - უპასუხა ემამ.

კუგელმასმა ვნებიანად აკოცა, მერე კი ორივენი სახლის გზას გაუყვნენ. მან ემას სახე ხელისგულებს შორის მოიქცია, კიდევ ერთხელ აკოცა და დაიყვირა:

- ოკეი, პერსკი! ოთხის ნახევარზე “ბლუმინდეილში” უნდა ვიყო.

ტკაცუნის ხმა გაისმა და კუგელმასი ისევ ბრუკლინში აღმოჩნდა.

- აბა? მოგაგყუეთ? - მობეიძე იერით ჰკითხა პერსკიმ.

- მომისმინე, პერსი, უკვე მაგვიანდება ლექსინგტონ ავენიუზე ჩემს კაგორლულ ბორკილებთან. როდის შემიძლია კიდეც მოსვლა? ხვალ?

- სიამოვნებით. ოცი დოლარი არ დაგაფიწყდეთ.

ეს ამბავიც არავისთან წამოგცდეთ.

- ჰოო? მე კიდეც რუპერტ მერლოკთან დარეკვას ვაპირებდი.

კუგელმასმა ტაქსი გააჩერა და ქალაქის ცენტრისკენ გავარდა. მისი გული ხგოდა, ცეკვავდა.

“შეყვარებული ვარ”, - ფიქრობდა, - “არაჩვეულებრივი საიღუმლო მაქვს”. როგორ მიხვდებოდა ის, რომ სწორედ იმ დროს, მთელი ქვეყნის კლასებსა და აუდიტორიებში, მოსწავლეები თუ სტუდენტები მასწავლებლებს ეკითხებოდნენ: “ვინ არის ეს პერსონაჟი მეასე გვერდზე? მელოგი ებრაელი მადამ ბოვარის კოცნის?” სიუ ფოლსში (სამხრეთ დაკოგა) მასწავლებელმა ამოიოხრა და გაიფიქრა: ოჰ, ეს ბავშვები, ღმერთო ჩემო... მოსაწევი ბალახები, გულმმარვა... რა არ უტრიალებთ თავში!

დაფნა სააბაზანო მოწყობილობის განყოფილებაში აღმოაჩინა კუგელმასმა, როცა ქოშინით შევარდა “ბლუმინდეილში”.

- სად იყავი? - მივარდა ცოლი.

- ხუთის ნახევარია.

- საცობში გავიჭედე, - უთხრა მან.

კუგელმასი მომდევნო დღესაც ესტუმრა პერსკის და რამდენიმე წუთში ისევ სასწაულებრივად აღმოჩნდა იონვილში. მისი დანახვისას ემამ აღელვება ვერ დამალა. მათ რამდენიმე საათი გააგარეს ერთად, იცინოდნენ და ერთმანეთს საკუთარი განსხვავებული წარსულის შესახებ უყვებოდნენ. სანამ დაშორდებოდნენ, სექსიც მოასწრეს. “ღმერთო ჩემო, მადამ ბოვარისთან ვწევარ”, ჩურჩულებდა თავისთვის კუგელმასი, - “მე, პირველ კურსზე ინგლისურში რომ ჩავიჭერი”.

დრო გადიოდა. ამასობაში კუგელმასმა მრავალჯერ მონახულა პერსკი და ინგიმური, ვნებიანი ურთიერთობა გააბა ემა ბოვარისთან.

- ყოველთვის შეამოწმეთ, პერსკი. ხომ იცით, წიგნის ასმეოცე გვერდამდე უნდა გამოვჩნდე, - უთხრა ერთ დღეს კუგელმასმა ჯადოქარს. - ყოველთვის მანამდე უნდა შევხვედე ემას, ვიდრე იმ როდოლფს გადაეყრება.

- რაგომ? - გაუკვირდა პერსკის. - მისი დროის დაკავება არ შეგიძლიათ?

- მისი დროის დაკავება! ის ხომ უტიტულო ამნაურია.

ამ ვაჟბატონებს მხოლოდ არშიყობა და ცხენების ჭენება შეუძლიათ. მე თუ მკითხავ, ისეთია, ქალების მოღების ქურნალებში რომ არიან გამოჭიმულნი, ჰელმუტ ბერგერის ვარცხნილობით. ემასთვის კი დიდ ვინმეს წარმოადგენს.

- ქმარი ვერაფერს ხვდება?

- სადა აქვს ამის თავი! ერთი უღიმდამო პაგარა ფელდშერია, რომელიც განგებამ იმ გადარეულს გადაჰყარა. ათ საათზე უკვე დასაძინებლად წვება, ის კი საცეკვაო ფესხაცმელებს იცვამს. ჰო, კარგი... აბა, დროებით.

კუგელმასი კიდეც ერთხელ შევიდა კარადაში და ერთ წამში ისევ ბოვარის მამულში, იონვილში, აღმოჩნდა.

- როგორ ხარ, გვრიტუნია? - ჰკითხა ემას.

- ო, კუგელმას, - ამოიოხრა მან. - რამდენის მოთმენა მიწევს, რომ იცოდე. წუხელ იმ ვაჟბატონს დესერტის დროს ჩაეძინა. მე სული მიკაწკაწებს “მაქსიმსა” და ბალეგზე, ამ დროს კი, რაგომლაც, ხვრინვა მესმის.

- ყველაფერი კარგადაა, ძვირფასო, მე ხომ შენთან ვარ, - თქვა კუგელმასმა და მოეხვია. “დავიმსახურე”, გაიფიქრა მან, როცა ცხვირი ემას თმაში ჩარგო, მისი ფრანგული სუნამოს სუნი იგრძნო. - “საკმაოდ დავიგანჯე. საკმაოდ ბევრი გადავუხადე ფსიქონანალიტიკოსებს.



თავლაუზოგავად ვეძებდი. ის ახალგაზრდაა, სრულწლოვანი, და მეც აქ ვარ, ლეონიდან რამდენიმე ფურცლის იქით და ზუსტად როდოლოფის წინ. წიგნის სწორ თავებში თუ გამოვჩნდები, კარგ ამბებშიც მოვხვდები”.

რა თქმა უნდა, ემაც ასევე ბედნიერი იყო. მას მღელვარება მოსწყურებოდა, კუგელმასის მიერ მოყოლილ ამბებს ბროდვეის ღამის ცხოვრებაზე, სწრაფ მანქანებსა და ჰოლივუდის მსახიობებსა თუ ტელე-ვარსკვლავებზე ერთიანად დაეგყვებინა ახალგაზრდა ფრანგი ლამაზმანი.

- ო. ჯეი სიმპსონზე კიდევ მომიყევი, - ემუდარებოდა იგი იმ საღამოს, როცა კუგელმასთან ერთად აბაგ ბურნისიენის ეკლესიის ახლოს სეირნობდა.

- რისი თქმა შემიძლია? დიდებული აღამიანია.

შეგევაში ყველა რეკორდი მოხსნა.

ისეთი მოძრაობები აქვს... მასთან სხვები ვერაფერს ხდებიან.

- და “ოსკარი”? - თქვა ემამ მეოცნებე იერით. - მისთვის ყველაფერს მივცემდი.

- ჯერ ნომინაციაში უნდა წარგადგინონ.

- ვიცი.

უკვე ამისხენი. დარწმუნებული ვარ, მსახიობობას შევძლებ. რა თქმა უნდა, წამეცადინება დამჭირდება. იქნებ სტრასბერგთან? ჰო, თუ კარგი აგენტიც მეყოლება...

- ვნახოთ, ვნახოთ. პერსკის დაველაპარაკები.

იმ ღამით, ჯალოქრის ბინაში მშვიდობით დაბრუნების შემდეგ, კუგელმასმა დიდ ქალაქში ემას სტუმრობის წინადადება წამოაყენა.

- მოვიფიქრებ, - თქვა პერსკიმ. - იქნებ შევძლო კიდევ, უფრო უცნაური ამბებიც მომხდარა.

რასაკვირველია, მათ ვერცერთის გახსენება ვერ შეძლეს.

- სად ჯანდაბაში დადიხარ? - შეუღრინა დაფნამ, როცა კუგელმასი შინ გვიან საღამოს დაბრუნდა. - ვინმე კახპას ხომ არ გადაეკიდე?
- მეც მნახე რა..., - უპასუხა კუგელმასმა დაღლილი კაცის იერით. - ლეონარდ პოპკინთან ვიყავი. პოლონეთის სოციალისტური სოფლის მეურნეობის შესახებ ვმსჯელობდით.

ხომ იცნობ პოპკინს. აფრენს ამ თემაზე.

- ბოლო დროს რაღაც უცნაური გახდი, - თქვა დაფნამ. - გაუცხოებული. იცოდე, მამაჩემის დაბადების დღე არ დაგავიწყდეს. ამ შაბათსაა.
- ჰო, აბა, რა, აბა, რა, - თქვა კუგელმასმა და სააბაზანოსკენ გაემართა.
- მთელი ოჯახი იქ იქნება.

ტყუპებსაც ვნახავთ. ბიბია ჰემიშსაც. უფრო თავაზიანი უნდა იყო ბიბია ჰემიშთან, იცი, როგორ უყვარხარ?

- ტყუპები, მშვენიერია, - თქვა კუგელმასმა, სააბაზანოს კარი მიიკეცა და ცოლის ხმას თავი დააღწია. კარს მიეყრდნო, ღრმად ჩაისუნთქა. რამდენიმე საათში ის ისევ იონვილში, საყვარელ ქალთან იქნება - ფიქრობდა - ხოლო ამჯერად, თუ ყველაფერი კარგად აეწყო, ემას თან წამოიყვანს.

მომდევნო დღის ოთხის თხუთმეტ წუთზე პერსკიმ კიდევ ერთხელ მოუხმო თავის ჯადოქრულ უნარს. კუგელმასი ემას წინ გაჩნდა, მომღიმარი და სურვილსაყოლილი.

საყვარლებმა რამდენიმე საათი იონვილში ბინესთან ერთად გაატარეს, შემდეგ კი ბოვარის ეკიპაჟს დაუბრუნდნენ. პერსკის ინსტრუქციის თანახმად, ისინი ერთმანეთს მჭიდროდ ჩაეკვრნენ, თვალები დახუჭეს და ათამლე დათვალეს. როდესაც გაახილეს, ეგლი სასტუმრო "პლაზას" გვერდითა შესასვლელს უახლოვდებოდა, სადაც დიდიდან კუგელმასს ოპტიმისტურად დაეჯავშნა აპარტამენტი.

- რა კარგია! ყველაფერი ისეა, როგორც წარმომედგინა და ვოცნებობდი, - თქვა ემამ, როდესაც მხიარულად ბზრიალებდა საძინებელში და ქალაქს ფანჯრიდან უთვალთვალებდა. ეს ფ.ა.ო. შვარცის შენობაა. აი, ცენტარლური პარკი, და შერი რომელია? აჰ, ვხედავ.

ღვთაებრივია.

საწოლზე ჰალსტონის და სენ ლორანის პაკეტები იდო. ემამ გახსნა შეფუთული ხვეულა და შავი ხავერდის შარვალი აიფარა უბაღლო განმე.

- ეს ქალის კოსტუმი რაღუ ლორანისგანაა, - თქვა კუგელმასმა. - მასში მილიონდოლარიანს დაემსგავსები. მოდი ჩემთან, ჩიგუნია, გაკოცო.

- ასეთი ბედნიერი არასოდეს ვყოფილვარ, - წამოიყვირა ემამ სარკის წინ გრიალისას.

- მოდი, ქალაქში გავიდეთ. მინდა, “ქორეს ლაინი” ვნახო, გუგენჰაიმი და ეს ჯეკ ნიკოლსონიც, რომელმაც ამდენს ლაპარაკობ. დღეს გადის ფილმები მისი მონაწილეობით?

- ამ ამბავს ვერაფერს ვუკვებ, - ჩაიბურცუნა სტენფორდის პროფესორმა, - თავიდან უცნაური პერსონაჟი – კუგელმასი გამოჩნდა, ახლა ემა გაქრა წიგნიდან. ვხვდები, ეს კლასიკის უცყუარი ნიშანია: ათასჯერაც რომ წაიკითხო, რაღაც ახალს ყოველთვის აღმოაჩენ.

საყვარლებმა ნეგარებით გაატარეს შაბათ-კვირა. კუგელმასმა დაუნას უთხრა, რომ ბოსტონში სიმპოზიუმზე მიდიოდა და ორშაბათს დაბრუნდებოდა. თითოეული წამით ტკებობდნენ ის და ემა, კინოში დადიოდნენ, ჩინურ კვარტალში სადილობდნენ, ორი საათი დისკოთეკაზე გაატარეს და მერე საწოლში ჩაწოლილებმა ფილმს უყურეს.

კვირას შუაღამედე ეძინათ, სოპო მოინახულეს და ცნობილ ადამიანებს ნაზად უმზუნდნენ “ელეინზ”-ში. საღამოს ხიზილალა და შამპანური შეუკვეთეს ნომერში და გათენებამდე საუბრობდნენ. დილით კი, როდესაც ტაქსით პერსკისკენ მიჰქროდნენ, კუგელმასმა გაიფიქრა: “ნამდვილად ღირდა ეს ციებ-ცხელება. მას აქ საკმაოდ ხშირად ვერ მოვიყვან, მაგრამ დროდადრო მშვენიერი კონგრასგი იქნება იონვილთან”.

პერსკისთან ემა კარადაში შეძვრა, გარშემო კარგად შემოიწყო ახლად შეძენილი განსაცმლის პაკეტები და კუგელმასს ნაზად აკოცა.

- შემდეგ ჯერზე - ჩემთან, - თვალი ჩაუკრა მას. პერსკიმ სამჯერ დააკაკუნა კარადაზე. არაფერიც არ მოხდა.

- ჰმ, - თქვა მან და თავი მოიფხანა. კიდეც ერთხელ დააკაკუნა, მაგრამ ჯალოქრობა არც ახლა გამოუვიდა.

- რაღაც ისე ვერ არის, - ჩაიბურტყუნა.

- პერსკი, რა ხუმრობაა! - შეჰყვირა კუგელმასმა. - როგორ შეიძლება, არ მუშაობდეს?

- მშვიდად, მშვიდად. ემა, თქვენ ისევ კარადაში ხართ?

- ღიახ.

პერსკიმ კიდეც ერთხელ დააკაკუნა, ამჯერად უფრო ძლიერად.

- პერსკი, ისევ აქ ვარ.

- ვიცი, ძვირფასო, გამაგრდი.

- პერსკი, ჩვენ ის აუცილებლად უნდა დავაბრუნოთ, - უჩურჩულა კუგელმასმა, - ცოლიანი კაცი ვარ და სამ საათში ლექცია მაქვს. პატარა, უვნებელ თავგადასავალზე მეგისტოვის არ მოემზადებულვარ.

- ვერ ვხვდები, - ბურტყუნებდა პერსკი. - ეს ისეთი სანდო გრიუკია.

მაგრამ ვერაფერს გახდა.

- ცოგა დრო დამჭირდება, - უთხრა მან კუგელმასს. - უნდა დავშალო. მოგვიანებით დაგირეკავ.

კუგელმასმა ემა გაქსიში შეტენა და უკან, "პლაზაში" დააბრუნა.

ლექციას ძლივს მიუსწრო. მთელი დღე ტელეფონზე ეკიდა, ხან პერსკის ურეკავდა, ხან - საყვარელს. ჯალოქარმა უთხრა, რომ რამდენიმე დღე დასჭირდებოდა, სანამ მოვლენის არსში საბოლოოდ გაერკვეოდა.

- რა ხდებოდა სიმპოზიუმზე? - ჰკითხა დაუნამ იმ ღამით.

- მშვენივრად ჩაიარა, - თქვა მან და სიგარეტის ფილტრს მოუკიდა.

- მოხდა რამე? კატასავით დაძაგრული ხარ.

- მე? ჰა, სასაცილოა. ბაფხულის დამესავით მშვიდი ვარ. ახლა გასეირნებასაც ვაპირებ.

იგი კარს მიაწყდა, ტაქსი გააჩერა და “პლაზასკენ” გაექანა.

- რა ცუდია, - თქვა ემამ. - შარლს მოვენატრები.

- ცოტაც გაძელი ჩემთან, საყვარელო, - უთხრა კუგელმასმა.

ის გაფითრებული და გაოფლილი იყო. ქალს კიდევ ერთხელ აკოცა, ლიფტისკენ გაიქცა, “პლაზას” ვესტიბიულის ტელეფონ-ავტომატიდან პერსკის უღრიალა და შინ ზუსტად შუაღამემდე მიასწრო.

- პოპკინის აზრით, ათასცხრასამოცდათერთმეტი წლის შემდეგ, კრაკოვში ქერის ფასი ასეთი მყარი არასდროს ყოფილა, - უთხრა მან დაფნას და საცოდავად გაიღიმა, როცა საწოლში ძვრებოდა.

მთელი კვირა ასე გავიდა. პარასკევ საღამოს კუგელმასმა დაფნას უთხრა, რომ კიდევ ერთ სიმპოზიუმზე უნდა გაფრენილიყო, ამჯერად, სირაკუზში.

მან ისევ “პლაზას” მიაშურა, თუმცა მეორე შაბათ-კვირა პირველს საერთოდ არ ჰგავდა.

- დამაბრუნე რომანში ან ცოლად მომიყვანე, - უთხრა ემამ კუგელმასს. - ამავე დროს, სამსახურის შოვნაც მინდა, თუნდაც რამე კურსზე სიარული, მთელი დღე ტელევიზორის ყურება ხომ წამებაა.

- მშვენიერია, ფული გაგვიჩნდება, - თქვა კუგელმასმა. - წონაში ორჯერ დაიკლებ, თუ დამლაგებლად იმუშავებ.

- გუშინ ცენტრალურ პარკში ბროდვეის გარეთ მოღვაწე ერთი პროდიუსერი გავიცანი და მითხრა, რომ მისი ახალი პროექტისთვის გამოვდგები, - თქვა ემამ.

- ვინ კლოუნია?

- კლოუნი არ არის. ის მგრძობიარე, კეთილი და სიმპათიურია.

ჯეფ რაღაცგვარია, კარგად არ მახსოვს და “ტონი“-ზე არის წარდგენილი.

იმავე ღღეს, მოგვიანებით, მთვრალი კუგელმასი პერსკისთან მივიდა.

- დამშვიდდით, - უთხრა მას პერსკიმ. - ასე ინფარქტი არ აგცლებათ.

- დამშვიდდით. ეს კაცი ამბობს: "დამშვიდდით". რომანის პერსონაჟი მყავს სასტუმროს ნომერში გამოკეტილი და ალბათ ჩემი ცოლის მიერ დაქირავებული კერძო ლეგეტივი უკვე კულში დამღვეს.

- კარგი, კარგი, ვიცი, რომ პრობლემა გაქვთ, - პერსკი კარადის ქვეშ შეძვრა და ვეება ქანჩით რაღაცაზე კაკუნი დაიწყო.

- გარეულ ცხოველს ვგავარ, განაგრძო კუგელმასმა. - ქალაქში მალვით დავიპარები, მე და ემამაც ერთმანეთი დავაშგერეთ.

ჰო, აღარაფერს ვამბობ სასტუმროს ანგარიშზე, რომელიც ამერიკის თავდაცვის ბიუჯეტს დაემსგავსა.

- რისი გაკეთება შემიძლია? - თქვა პერსკიმ. - მაგია ფაქიში ნიუანსების სამყაროა.

- ჩემს ფეხებს ნიუანსები! ამ პაგარა თაგუნისა "ლომ პერინიონსა" და შავ ხიმილალაში ვახრჩობ, პლუს მისი გარდერობი, პლუს თეატრალური სტუდია, რომელშიც ჩაირიცხა და უცებ პროფესიონალური ფოტოები სჭირდება. გარდა ამისა, პერსკი, პროფესორმა ფივიმ კოპკინდმა, რომელიც შედარებით ლიგერაგურათმცოდნეობას კითხულობს და რომელსაც ჩემი ყოველთვის შურდა იმ პერსონაჟში ამომიცნო, ფლობერის რომანში პერიოდულად რომ ჩნდება. დამემუქრა, დაფნასთან მივალო. სრულ კრახს, კატასტროფას, ციხეს ვხედავ.

მადამ ბოვარისთან ღალაგის გამო ჩემი ცოლი მათხოვრობისთვის გამწირავს.

- რა გითხრათ? ამ საქმეზე ღღედაღამ ვმუშაობ. პირად განცდებს რაც შეეხება, ვერაფრით დაგეხმარებით. ჯადოქარი ვარ, ფსიქონალიტიკოსი კი არა.

კვირა შუადღით ემა სააბაზანოში ჩაიკეცა და კუგელმასის ხეწნა-მუდარას არად აგდებდა. ის კი ვოლმანის საციგურაო მოედანს გადაჰყურებდა ფანჯრიდან და თვითმკვლელობაზე ფიქრობდა. "ცუდია, რომ დაბალი სართულია," - გაიაზრა მან, - "თორემ ამას ახლავე გავაკეთებდი."

იქნებ ევროპაში გავიქცე და ცხოვრება თავიდან დავიწყო... იქნებ იმ გოგონებით “ინთერნეტში ჰერალდ ტრიბიუნის” გამყიდველად ვიქცე.”

ტელეფონმა ღარეკა. კუგელმასმა მექანიკურად აიღო ყურმილი.

- წამოიყვანეთ, - თქვა პერსკიმ. - ვფიქრობ, საქმის მოგვარება შეუძელი.

კუგელმასს გული შეუფრთხივდა.

- არ ხუმრობთ? - თქვა მან. - მართლა შეაკეთეთ?

- გრანსმისიას სჭირდა რაღაც, თქვენ წარმოიდგინეთ.

- პერსკი, გენიოსი ხართ.

ერთ წუთში მანდ გავჩნდებით. უფრო ადრეც.

ისევ გაემუხრნენ საყვარლები პერსკის ბინისკენ, ისევ შეძვრა ემა ბოვარი კარადაში თავისი ფუტებით. ამჯერად კოცნა არც გახსენებიათ. პერსკიმ კარი მიუკეცა, ღრმად ჩაისუნთქა და ყუთზე სამჯერ დააკაკუნა. სუსტი ტკაცუნის დამამშვიდებელი ხმა გაისმა და როდესაც პერსკიმ შიგნით შეიხედა, იქაურობა ცარიელი დახვდა. მაღამ ბოვარი თავის რომანში დაბრუნდა. კუგელმასმა შვებით ამოისუნთქა და ჯადოქარს ხელი ჩამოართვა.

- დამთავრდა, - თქვა მან. - ეს ჩემთვის კარგი გაკვეთილი იყო. აღარასოდეს გავიხედავ გვერდით, ვფიცავ.

კიდევ ერთხელ ჩამოართვა ხელი პერსკის და გადაწყვიტა, საჩუქრად ჰალსტუხს გაეუგზავნო.

სამი კვირის შემდეგ, გაზაფხულის მშვენიერი დღის ბოლოს, პერსკის ზარის ხმა შემოესმა და კარი გააღო. ბლურბლზე კუგელმასი იდგა, მორცხვად იღიმებოდა.

- კარგი, კუგელმას, ახლა საით?

- მხოლოდ ერთხელ, - თქვა კუგელმასმა.

- ისეთი მშვენიერი ამინდია და მეც ხომ არ ვახალგაზრდავლები. მომისმინეთ, “პორტნოს ჩივილი” წაგიკითხავთ? მაიმუნა გახსოვთ?

- ახლა ამის ფასი ოცდახუთი ლლარია, იმიტომ რომ ყველაფერი ძვირდება, მაგრამ თქვენ უფასოდ შეგიშვებთ, იმის გათვალისწინებით, რამდენად უსიამოვნო მდგომარეობაში ჩაგაყენეთ.

- კეთილო კაცო, - უთხრა კუგელმასმა, შერჩენილი რამდენიმე ღერი თმა შეისწორა და კარადაში შეძვრა. - ეს ხომ იმუშავებს?

- იმელი მაქვს. თუმცა იმ ამბის შემდეგ შემოწმება აღარც მიცლია.

- სექსი და რომანტიკა, - ამოიძახა კუგელმასმა კარადის სიღრმიდან. - რისი გადაგანა აღარ გვიწევს მშენიერი თვალების გულისთვის.

პერსკიმ “პორგნოს ჩივილის” ეგზემპლარი შეაგლო ყუთში და მასზე სამჯერ დააკაკუნა.

ამჯერად ტაკუნის ნაცვლად ყრუ აფეთქების ხმა გაისმა, რასაც ბათქა-ბუთქის ჯერი და ნაპერწლების შადრევანი მოჰყვა. პერსკი შეხტა, გულის მძაფრი ტკივილი იგრძნო და უსულოდ დაეცა. კარადა ცეცხლის ალში გაეხვა, ბოლოს კი მთელი სახლი დაიწვა.

კუგელმასს, რომელმაც კაგასგროფის შესახებ ვერაფერი გაიგო, საკუთარი გასაჭირი ჰქონდა. ამ შემთხვევის გამო, ის ვერც “პორგნოს ჩივილში” მოხვდა, ვერც სხვა რომელიმე რომანში. იგი ესპანური ენის ინგენსიური კურსის ძველ სახელმძღვანელოში აღმოჩნდა და სიცოცხლის ბოლო წუთამდე უნაყოფო, კლდოვან ადგილას დარბოდა, რადგან ღიღი და ბანჯგელიანი უწესო ზმნა “ტენერ” (ყოლა, ქონა) გაწვრილებული, გრძელი ფეხებით გამოეკიდებოდა ხოლმე და დასაჭერად დასდევდა..